



UNIVERSITÄTS-
BIBLIOTHEK
PADERBORN

**Scientia Salvts, Sive Considerationes Piæ, Præcipuam
Spiritualis Vitæ Materiam complectens**

Laberhittel, Samuel

Ingolstadii, 1660

149. Fer. 3. De Beatoru[m] ardenti amore Dei.

[urn:nbn:de:hbz:466:1-59837](https://nbn-resolving.org/urn:nbn:de:hbz:466:1-59837)

MEDITATIO CXLIX.

Feria 3. post Domin. 4. post Pascha.

De Beatorum ardenti amore

DEI.

Concipiam incendium immensum amoris DEI, proportionatum immensæ lucigloriæ Beatorum. Petam dilectionem Beatorum agnoscere, & consequi.

Conf. 1. Quomodo Beati Vivant vitam amatoriam; nam ut ait Aug. in Ps. 91. *Si amamus, quem non videmus, quomodo amaturi sumus, cum videbimus? cum enim bonum agnitum pulchrum & utile amorem sui generet, eò majorem, quò bonum est melius, pulchrius, & utilius, & Beati Deum videndo videant infinitum bonum, infinitum pulchrū, infinitum utile, habeantque infinitas rationes alias eum amandi, amant Deum ex toto, & sciunt se amare. sempérque amatuos; unde eliciunt amorem complacentiæ tam appreciativum, ut malint carere fructione Dei, quàm in minimo à voluntate Dei deviare. Hic amor est excellentiæ insinuatus. Apoc. 4. quando mittunt coronas suas ante thronum Dei; qua voluntate (dum esse Deum volunt, qui est) si esset efficax, æquarent Deum; quia redderēt, quod receperunt, acceperunt Deum à Deo, redderent Deum Deo,*

Conf. 2.

Conf. 2. Quomodo Deum ament amore beneficentiae: quia perfectio amoris est in opere, & effectu, ideo quidquid agunt, totum ad finem ordinant gloriae Dei, pro hac unice petunt, quod insinuat Apoc. 6. *Vindicta Domine, &c. destrue peccatum, ut salvetur peccator.*

Conf. 3. Quomodo ament Deum deificati sine fine: quia talis quisque est, qualis est ejus amor, eo modo, quo res a luce dicitur lucida, vel repercussione Solis in nube alter Sol videtur. Et quia sicut Deus respectu nostri est invisibilis, sic respectu Beatorum dicitur inhabitare Deus caliginem, quia est incomprehensibilis: hinc sequitur, quod sic semper amplius amabilis, adeoque Deum amant ex toto, semper, & amplius, sine fine. *Disquiram quam appetitativè, quam zelosè, & quam constanter in amore Dei cresciam.*

MEDITATIO CL.

Feria 4. Domin. 4 post Pascha.

*De Beatorum gaudio immenso
de DEO.*

Videbo felicissimum amoris partum, et visione & amore Dei progenitum gaudium, ab immenso DEO implente omnes gaudio, ita ut non totum gaudium intret in gaudentes, sed totum gaudentes intrent in gaudio.